


正陽縣志

一二

DS
793
H52C523
1796
v.1



嘉慶丙辰鐫

正陽縣志

縣署藏版

重修正陽縣志序

邑志與國史相表裏周制
左史記言右史記動漢法
太史氏位丞相上典至鉅
故任之也至隆下迨方國
州邑無不祖是意上以脩

輜軒之採而下以博資掌
故考古證今非徒供省覽
而已正陽置縣始於漢由
魏晉以迄宋元因革不一
明初省入汝陽縣宏治年
間復置今三百餘年井疆

賦稅水利營田以及風土
人文山川道里今昔各殊
不有簡冊記載蒞治者將
何所取鑒乾隆乙卯予恭
奉

簡命承乏茲邑下車之始披覽

志乘篇頁就缺魚魯沿謬
蓋自康熙丙子第幸西河
安君重輯後百年來因仍
其舊前令南昌彭君武進
徐君均有志未逮予曷可
以再諉會太守長白德

公方設局纂修府志檄令
訪求下邑文獻并飭重纂
邑志甚盛舉也時彭君以
內艱得替暫留養病因攀
令總其成事邑學博新安
呂君宏通博雅嫻於史裁

亦樂成斯舉遂於三月間
開館賴邑之紳士協力襄
贊網羅前聞搜訪遺逸予
自愧執掌簿書於載筆無
能爲役得從諸君子後釐
定舊志商確編纂綱舉目

張頗無放失凡六閱月告
成時賀葉二君自都旋里
相與商酌而增蠡之爲補
遺二卷以綴於後百餘年
之缺畧得藉手以竟其事
其欣幸爲何如耶書成因

叙其緣始以及起訖時月
弁於簡端

嘉慶元年歲次丙辰仲春
月正陽縣知縣晉寧楊德

容謹撰



重修正陽縣志序

士君子出膺民社非瞭然於當世
之務與上下千百年之久而欲裁
一邑之事靡不當研一邑之幾無
不晰證乎前而不為傳聞所惑垂
乎後而不為當世所譏其勢不能
則志乘尚矣漢初入閩蕭鄭侯獨
收秦丞相府圖籍佐高祖成帝業

朱文公守南康南下車即問郡志
論者稱其識為政體二者其明驗
也顧志乘一書作者難述者亦不
易何則後世從政者大抵厭久任
而利速化瓜期一及息焉旋飛倦
至者亦往往傳舍視之聽其散佚
而弗加參訂泊乎文殘獻謝考鏡
無資求之而不得雖鄭重而愛惜

之抑晚矣予今觀於彭楊二宰之重修正志而不禁深有會也稽正陽縣志修自康熙丙子屆今百撰我國家深仁厚澤久道化成設今不脩後將奚鑒乾隆乙卯春予方纂脩郡志適晉寧西部楊公奉

命視正篆以重修邑乘為已任予竊喜引為同心而更喜前令兩蒼彭

公之雅共斯志也蓋兩倉以南昌
世家擅騷雅之宗脩華寔之理尹
正陽十六載生聚教訓善政彰
在人耳目固知其得於中者深矣
夫何以内艱解綬養疾寓齋西郭
每過問舊政輒以邑志叩兩倉遂
樂許其成與指伸者考所多恭稽
閱半年而筆削始竣舉凡正邑之

山川風俗人物事類則壞受賦前
後異同損益詳畧悉汰其附會
飭之詞而一衷諸寔至其體裁義
例較原本特嚴而簡潔過之四難
三長舍兩蒼其誰屬哉夫文人之
才立言者未必立功今兩蒼西邨
能交出緒餘樹不朽偉業豈非一
時之嘉會而千古之大觀也哉間

嘗讀禹貢而知厥土厥賦之上下
讀周官而知山川藪澤之高廣讀
風詩而知士女之貞淫鳥獸草木
之變態易著城郭封建井邑禮有
王制六義春秋書城廬牢作南門周
禮載職方焉相諸官則此志未嘗
不合於經也讀左氏司馬氏班氏
范氏歐陽氏諸史而知立事行政



之得失嘉言懿行之昭垂則此志
未嘗不合於史也遠合於經史
遺意近則與通志相表裏譬之
霞麗天而文繡之煥其采江河
地而溝洫之潤其流雲霞江河
成其大文繡溝洫自成其小天地
之間正以大小並存而益彰其盛
將見後之守土者按籍而稽其於


裁一邑之事研一邑之幾而當且
晰也何有雅興宰天下可也則是
志之成洵彭楊二宰之大有造於
正陽也豈惟予寔嘉賴之愛喜而
書諸簡端以塞西邨之請云時
嘉慶元年歲次丙辰嘉平之吉

誥授通議大夫知汝

州事長白德昌

敬題





書重修正陽縣志後

正陽志之宜修也不自今

日始矣晉寧楊公以乙卯

二月來宰斯邑會

郡憲重修府志檄令採訪

前志康熙三十五年後之

各事具呈以備核載時

弼

已得代暫留養病楊公以

併請重修縣志就商苦次

噫嘻此

弼

有志未逮之事

聞楊公言竊幸文獻之絕

而復續而楊公之能彌縫

其闕失也力贊成之遂條
具事宜申請

道憲

府憲皆報可於是百餘年

之職官選舉孝義節烈宦

績文章又燦然布在方策

至於因革損益今昔校殊
則詳加釐訂事備而文不
煩豈惟官斯土者喜得拾
遺補闕亦邑人士所樂爲
考究者也
弼報政旣拙尤
抱殘守缺之是愧輒承

憲意謂

強

入任是邦命

參稽蓋

張

自乾隆戊戌視

事迄甲寅受代歲月十有

六易凡鄉堡村市靡不因

公周歷間與邑之縉紳先

生及諸父老相接詢邑中

往事其間衣冠文物風俗
利弊莫不入於耳而識於
心斯時有舛錯者亦能從
旁証之有失實者亦能從
旁指之楊公每以弼言質
之色人土信而有徵故多

聽納

弼

之贊襄斯舉以仰

答

上憲委任之意者惟此而

已若夫志之大畧具載凡


例筆削之事楊公任之學

博呂公相與商酌裁定弼

初無涓埃之效也昔

嘉慶元年九月下泮即正

陽縣知縣彭良弼謹書



重修正陽縣志序

為政之道在乎善因非僅規隨畫
一之謂也因時地而損益之新其
中必由其舊乃臻善治惟志亦然
修之者述而不作徵後來之文獻
守既往之典型纂言有要與治
同符正陽由漢置慎陽縣始其地
襟淮帶汝蔚然奧區雖幅頓不其

廣而風土實為汝郡冠縣之有志
肇自前明迨

國朝康熙丙子復備以來至於今百
有餘歲允宜採輯編排以續前軌
乾隆六十年春滇南楊令德容來
接彭令良弼之篆適奉檄飭修縣
志爰徵古謨局鑒彭令以繼其事
彭令江右世家學有淵源而才識

尤卓犖無愧三長且在任十六年
治具畢張茲因內艱續禮既舊
必告矣復博採群經與楊令公訂
犁然成帙夫志之為體與史相表
裡文詞字句抑末也惟體例之精
審辨皆為難斯帙踵前志而加以
損益或分或合或存或刪若網在
目有條不紊固事前人而補救衷

於至當此夾深之活韻而倒戈者
比後如者老鏡持斯執簡御繁不
越不忘文也而治於是乎在嘗見
明王文恪公鑒記黃叔度所著天
祿外史一卷謂其議論醇雅氣象
明豁質而盡美婉而成章得國語
左氏之體而無其艷擬子長孟堅
之雄而無其陋乃立言之善於國

者正陽人士所祖且不祧者也斯
志殆無越先民之矩矱乎方今

聖

聖相承重熙累洽咸五登三凡百有位
遵守範圍過者俯而就不及者仰
而企因地制宜隨時損益於萬斯
年治譜所傳將不勝其相因勿替
矣深察要邦樂觀斯志之成而

三
聽言及之用勗民社弁諸簡端

嘉慶元年歲次丙辰孟秋月中浣

誥授中憲大夫分巡南汝光道前署河

南按察使加二級桂林陳鍾琛撰



修志姓氏

總裁

欽命分巡河南南汝光道兼管水軍事務前署按察使陳鍾琛

廣西桂臨人舉人

河南汝寧府

知府

德昌

滿洲正白旗人

纂修

前任正陽縣

知縣

彭良弼

江西南昌人拔貢

校閱

正陽縣

知縣

楊德容

雲南晉寧人舉人

分纂

正陽縣

知縣

呂元灝

新安人拔貢

協輯

正陽縣典史

徐萬春

安徽婺源人
監生

駐防把總

張如中

南陽人
武生

拔貢生

張拔

邑人

拔貢生

葉文林

邑人前署光
州學正

原任榮陽縣訓導

王百誦

邑人歲貢生

歲貢生

陳諤

汝陽人

採訪

舉人

余秉中

拔貢生

葉文林

歲貢生

劉權

廩生

李恒泰

廩

生

徐九思

廩

生

劉炎勳

廩

生

燕仰儒

附

生

劉獻書

附

生

劉敬守俱邑人

補遺

進

士

賀祥

邑人原選湖
北嘉魚知縣

進

士

葉儒林

邑人現任南
輝府教授

廩

生

葉惠林

邑人



縣志目錄

卷之一

圖

沿革

星野

疆域

城池

街坊

店集

卷之二

山川

橋梁

溝塘

學校

書院

學田

建置

公署

兵防

倉廩

田賦

戶口

倉貯

雜稅

卷之三

王易孫志目錄

壇廟

寺觀

古蹟

塚墓

舊蹟

官師

知縣

典史

教職

卷之四

宦績

選舉

進士
武科

舉人

貢生

卷之五

人物

游寓

方技

仙釋

卷之六

列女

卷之七

藝文

卷之八

藝文

卷之九

補遺上

凡例
物產

風俗
典禮

總論
祥異

鄉議
蠲資

序

卷之十

補遺下

集詩
人物

集文
列女

分野
異聞

地理

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

正

歸


歸

圖

陽

正

正陽縣志



總

真

圖

王易縣志


圖



正

陽

縣



圖

池

城

正陽縣志



圖







署

學

署學



宮昌文



宮

賢

明倫堂

啟聖祠

文廟

西廡

東廡


戟門

泉

名

泮池


櫺星門



正

易


林




四




典史宅




為相



學



西四房




隸








門


五




監獄



黃 徵 石



廟墓園



正陽縣志卷一

前任正陽縣知縣彭良弼纂修

正陽縣知縣楊德容校閱

沿革

正陽縣爲禹貢豫州之域周爲沈國地春秋時屬楚秦
屬潁川郡漢初爲慎陽國高帝十一年淮陰舍人樂
說封慎陽侯元狩五年侯樂賢之有罪國除乃置慎
陽縣屬汝南郡史記索隱曰慎陽本作潁陽永平五
年失印更刻誤以水爲心故續漢書
作潁東漢魏晉皆因之劉宋始改曰真陽縣仍屬汝
南郡東魏改置義陽郡北齊廢郡省入保城縣隋開
皇初廢十六年復置縣曰真邱大業初仍改真陽唐

延載元年改淮陽縣神龍元年仍爲真陽縣宋金因之俱屬蔡州元屬息州明洪武四年省入汝陽縣宏治十八年復置真陽縣屬汝寧府

國朝因之仍屬汝寧府雍正元年改爲正陽縣

星野

周禮保章氏鄭氏註房心豫州

西漢天文志房心豫州

東漢天文志鎮星主嵩山豫州又曰玉衡第七星主豫州常以五午日候之丙午爲汝南史記天官書二十八舍主十二州宋鄭之疆侯在歲星占爲房星

晉天文志自氐五度至尾九度爲大火於辰在卯宋

之分野屬豫州

陳卓范蠡鬼谷張良諸葛亮譙周京房張衡星次分
野房心宋豫州汝南入房二度

甘公星經房四星一名右服二名右驂三名左服四
名左驂

春秋說題辭心爲明堂天王布政之宮

何麟志曰厯考天文諸說皆以豫州爲房心之分野
汝寧爲豫州之中正陽乃豫州南境分野應屬房心
疆域

縣屬汝寧府南境介汝淮之間廣一百五里袤一百十
三里

東至新蔡縣界七十里至新蔡縣治一百三十里

南至羅山縣界九十里至羅山縣治一百二十里

西至確山縣界三十五里至確山縣治九十里

北至汝陽縣界二十三里至汝陽縣治一百二十里

東南至息縣界七十里至息縣治一百里

西南至信陽州界六十里至信陽州治一百四十里

東北至汝陽縣界七十里

西北至確山縣界三十五里

至府城一百二十里

至省城布政司六百二十里

至京順天府二千四百里

何縣志曰左環汝潁右擁天目北倚縣城南襟
地靈川秀據勝蔡州

城池

縣城舊志本汝南志謂卽漢慎陽城明洪武初廢止德

元年復置縣二年知縣齊淵

府志六年知縣郭仲辰

始築土城

周圍八百丈高二丈五尺上廣一丈五尺下廣二丈

池深一丈廣二丈正德八年流寇陷城圯如平地知

縣張璽重建甃以磚石復建四門樓又增置角樓及

警舖嘉靖二十二年知縣李居仁三十六年知縣徐

寬相繼修葺明季同知劉附鳳攝縣事浚池深一丈

廣三丈

國朝順治六年知縣遲煒訓導朱頌祿承兵燹之後修築

完固順治十五年大雨城圯二百餘丈知縣劉必壽

補修康熙九年霪雨南門圯三百丈知縣任國標復加
補修康熙三十五年夏秋大雨不止四城堞土基圯
壞二百餘丈知縣安圻重修整之復重建四門樓知
府陳溥題東門曰接潁南曰通楚西曰達洛北曰適
蔡乾隆二十四年知縣宋世恒浚池深廣如舊三十
五年知縣劉應候補築土城五十八年知縣彭良弼
通工補修並培築土城以資捍固重建四城樓改南
門曰適楚西曰通快北曰朝京東仍其舊

角樓四座窩舖八座水道凡五東二西南北各一

街巷

迎春街接潁門內

迎薰街適楚門內

迎賓街通陝門內

迎恩街朝京門內

南十字大街

北十字小街

宣化街迎賓街北

顯靈街城隍廟前

崇文巷迎春街南

壽仙巷迎春街北

循禮巷迎薰街東

育才巷迎薰街西

修福巷迎賓街南

積善巷迎賓街北

前溪巷迎恩街東

通津巷迎恩街西

舊廟巷迎恩街西

坊第

聚奎坊有四在大十字街明知縣徐寬爲進士李經
舉人王廷儒何麟董宗舒黎來建舊毀二今又毀一
宣化坊在宣化街廢

儒林坊儒學西廢

雙壁坊迎春街爲成化癸卯舉人劉廷璧立廢

重光坊雙壁坊東爲劉廷璧立廢

京闈坊迎薰街爲成化庚子舉人魯杲立廢

進士坊迎恩街爲正德甲戌進士李經立廢

拔秀坊迎賓街爲嘉靖甲午舉人董宗舒立廢

文英坊壽仙巷爲嘉靖辛卯舉人何麟立廢

文魁坊循禮巷爲嘉靖乙酉舉人王廷儒立廢

登科坊迎薰街爲嘉靖己酉舉人黎來立廢

貞節坊迎薰街明萬曆四十三年爲陳嘉言妻盧氏立

貞烈坊小東關明天啟四年爲段華黼聘妻危大姐立

店集凡五十五店分編十五里今爲十五保

正陽保

演武亭

縣西關外無集

鄒余村

縣西十五里在本店半個店設集

宋家店

縣西三十里有集

揚旂屯

縣西南十里無集

葉家店

縣西南二十五里在本店梁家廟設集

增益店

縣西三十里有集

胡衝店

縣西南四十里有集

桑遠保

銅陂塘

縣東關外無集

正陽縣志卷一店集

七

王牌寺

縣東十五里有集

新豐集

縣東三十里有集

萬安店

縣東四十里有集

歸化保

鐵佛寺

縣西南四十里在本店毛家寨設集

羅家營

縣西南五十里有集

江家店

縣西南五十里有集

藍青店

縣西南三十里有集

李通店

縣西南十里有集

南和保

邱家店

縣南十八里有集

鍾家店

縣南四十里有集

王家店

縣南四十里有集

樂善保

龍興寺

縣南十八里在本店舖設集

裴家店

縣南七十里有集

黃山舖

縣南三十里有集

閭河店

縣南二十里有集

常豐保

忠心廟

縣東四十里有集

阮家店

縣東三十里有集

便民店

縣東四十里有集

禮庄保

銅鐘店

縣南六十里有集

范庄店

縣南七十里有集

王霧橋

縣東南五十里有集

守信保

寒凍店

縣東北六十里有集

固城寺

縣東北六十里有集

汪湖店

縣東北七十里有集

新興保

承興店

縣東南四十里在本店兩路口設集

永興舖

縣東南五十里有集

土扶橋

縣東南七
十里有集

塗家店

縣東南九
十里有集

柳寨保

黃魯店

縣西南五
十里有集

陡溝店

縣西南六
十里有集

板橋店

縣西南三
十里有集

淺塘保

魯家店

縣東北三
十里有集

韓家臺

縣東北十八里在
本店雙臺鎮設集

楊家橋

縣東北三十
五里有集

高家臺

縣東北六
十里有集

汝南保

油房店

縣東五十里有集

汝南埠

縣東七十里有集

黃里保

岳城店

縣東九十里有集

蓮花寺

縣東六十里有集

塘上保

朱家店

縣南八十里有集

潘家店

縣南八十里有集

大林店

縣南九十里有集

朱黃保

西巖店縣東七十里有集

白土店縣東九十里有集

山頭舖縣北二十里有集

八里橋縣北無集

舊志新鍾家店今併入鍾家店 單家集今爲忠心

廟 鮑陽寺店今屬息縣 哈店今併入龍興寺

孟家店今併入朱家店 張五店今屬汝陽縣 西

楊家店今屬確山縣

凡例

一正邑之有志始於明正德乙亥張學博恕編輯成書
繼修者焦學博濟成於嘉靖壬寅何孝廉麟成於嘉
靖乙卯

國朝順治庚子邑令劉必壽遵臺使檄聘邑明經田育
性修輯康熙丙子安大令圻復修之卽現行之書也
張焦兩志均不存劉志及安志間援引何本土夫家
自尙有收藏然劉志謂其多濫幸頌美之詞卽此已
非志體劉志則反而爲感慨間及時事安志概刪之
而失於編次無倫參雜論斷均非善本
一志不難於纂而所重在編綱目釐然乃不病其厯襍

今首列各圖次沿革星野疆域附之城池則附以街坊店集若山川若橋梁若溝塘以類編列書院學田附學校之後公署兵防倉廩郵政恤政則統編建置戶口倉貯鹽引襍稅麗於田賦壇廟載在祀典寺觀次之古蹟則以塚墓及前明已廢之舊蹟附焉官師統列令尉敎職選舉統列科貢宦績人物各次於其後游寓方技仙釋分類彙編列女舊載新增槩爲編入藝文擇其有關邑里風化者錄之舊志序綴於卷末

一祀典祀享從祀姓名儀注樂章乃直省通行非一縣之制風俗則

教澤涵濡家無異俗物產皆民間糧畜之常祥異乃
家識緯之說舊志所載概宜從刪又如原志八景
麟志八景既非名流勝蹟亦於風土無關且多附
牽涉併詩刪之

一田賦戶口今昔迥殊茲按照乾隆三十六年編審賦
役則例簡明該括逐款編列戶口則就現年查報實
數載入

一封爵郡守自有紀載列入縣志於義無取今只載令
尉教職爲官師志錄自明始若漢劉陶以下迄元朶
阿達實數人功德在民但編宦績惟元教諭衛桂榮
王良輔舊志有名無實可紀官師志仍列名焉把總

專防一縣舊志缺畧今亦載入

一縣屬十五保五十五店舊志分載兩門今以店隸保
集市即載其下較爲簡明便覽

一人物志統編一卷但以朝代相次不另分門類而仍
各以類聚編行詎雖採鄉評必須蓋棺論定故不爲
生人立傳惟列女無論已未

旌表但合例者雖現存亦樂錄之

一舊志風俗載孝義社尊豫凶喪不問貧富願入者聽
每朔望會於社各醺金若干以謹厚者一人司出入
會中有喪出醺金助之事甚足採而無類可附故錄
存以見民俗之厚尙有古風

一正陽舊志修於康熙三十五年到今未經纂定文獻
幾于無徵新志限于時日採訪或未脩今叅取劉志
安志所載與得于所見聞者別爲集詩集文其有事
實不同可資考據者爲雜錄一卷以俟博雅君子焉

正陽縣志卷二

前任正陽縣知縣彭良弼纂修

正陽縣知縣楊德容校閱

山川

南龍岡

在縣南三里勢極高峻有臺凡七
明徐寬均田臺即其處勒石臺上

橫山

在縣西北橫亘故名
縣南北橫亘故名

老龍脊

在縣東四十里平岡一帶狀
如龍脊禱雨輒應疑有神物

北三里河

在縣北自王家
衝發源

八里河

在縣北自王家衝發源東流
通張家河達黑家河入汝

塘下溝河

在縣北二十三里自確山縣金牛山
發源通淇河入縣境東流達於汝

汶水河

在縣東北五十里自青
龍陂流入汝今稱汶口

滇水河

源出縣西王家衝遶縣南一里東北流入汝漢置滇陽縣或以此水得名

汝河

在縣東北六十里其源舊出汝州天息山入西

淮元季

曰汝水汎濫為蔡州害自舞陽湖水截斷其

流約水

東注今之源起西平雲莊諸石二山之間流

經上蔡

汝陽正陽新蔡息縣光

州固始

達於淮為引鹽運道

南三里河

自陳家溝發源經縣南東流入汝明知縣

議設法

疏導以通商賈適

因流寇

戒嚴未竟其事

彭家河

在縣東南十二里通

白水港

在縣西南三十里自確山

清水港

在縣南四十里自橫山發源通

龍陂港

在縣東六十里源出遂平縣

閭河

在縣南二十五里源出確山縣高皇陂東流

淮河在縣南九十里源出桐栢山南岡支流潛流三
合汝水東注至固始縣朱臯鎮出境又南合淝水
渦水納沂泗水入海引鹽運道由淮河分入於汝

橋梁

南三里橋

北三里橋

柳寨橋在縣東三十里

西巖店橋在縣東七十里

龍王港橋在縣東七十里

王霧橋在縣東五十里

杭陂港橋在縣東六十里有元人牛鳳修碑記

土扶橋在縣東南七十里

彭家橋在縣南十二里

板橋在縣西南三十里今易石

清水港橋在縣南四十里

閭河橋縣南二十五里邑人黎文章建黎起泰何文重修有田瑄碑記

撞北義濟橋在縣南二十里元縣丞邊將仕邑民喬海馬廣建有潘遵正碑記

八里橋在縣北

塘下溝永濟橋在縣北二十三里明正德四年知縣郭仲辰建嘉靖三十一年邑民謝放

重修

老庄橋在縣西十里邑人鄒作礪建

溝塘

正東路溝自東關口大路兩旁遙迤至汝南埗七十里人新蔡縣界深廣各五尺雍正五年

正南路溝

自南關口大路兩旁迤邐至大林店九十里入羅山縣界深廣各五尺雍正五年浚

正西路溝

自西關口大路兩旁迤邐至宋家店三十里入確山縣界深廣各五尺雍正五年浚

正北路溝

自北關口大路兩旁迤邐至塘下溝二十里入汝陽縣界深廣各五尺雍正五年浚

東南路溝

自南關口大路兩旁迤邐至土扶橋七十里入息縣界深廣各五尺雍正五年浚

西前路溝

自南關口大路兩旁迤邐至陡溝店六十里入信陽州界深廣各五尺雍正五年浚

十里溝

在縣西十里溝水由宋家店南流至陡溝店入淮長四十五里

石塘陂

在縣西北二十里東漢永平五年汝南太守鮑昱鑿石堰水溉田數百頃

陽陂塘

在縣東南五十里

楊旺塘

在縣北二十里

荻陂塘

在縣東北二十里

量陂塘

在縣東二十五里

魯家塘

在縣東北三十里

盤龍塘

在縣南十二里

秦陂塘

在縣東北二十里

瓢陂塘

在縣東二十五里

南音塘

在縣南十二里

邱陂塘

在縣南二十里

古塘

在縣西南三十里

遂陂塘

在縣西十二里

潁陂塘

在縣東北三十里

南塘

在縣南一里

小劉陂塘

在縣北三十里

桑畝塘

在縣東二十里

界畝塘

在縣西二十里

蛟龍塘

在縣南二十里

柿陂塘

在縣南三十里

棗邱塘

在縣南八十里

撞陂塘

在縣東三十里

下陂塘

在縣南六十里

白土塘

在縣東八十里

王義塘

在縣南三十里

淺塘

在縣南九十里

雙泥塘

在縣南九十里

王易系示家二溝塘

徐受兒塘
在縣南三十里

上渡塘
在縣南七十里

較陂塘
在縣南七十里

銅陂塘
在縣東二里

朱賢塘
在縣東三十里

上市塘
在縣南八十里

邱斌塘
在縣南五十里

高陂塘
在縣東南七十里

焦陂塘
在縣北十五里

侯塘
在縣東北二十五里

小亮塘
在縣西北三十里

新陂塘在縣北
三十里

學校

儒學在迎薰街東明正德二年知縣齊淵建正德
六年知縣張璽嘉靖二十八年知縣徐霓相繼修葺
國朝順治八年知縣遲焞訓導朱頒祿重修乾隆四十
六年教諭張遠覽重建

文廟大成殿五楹明正德二年推官陳溥知縣齊淵創
建正德七年知縣張璽繼修設聖賢像嘉靖十年詔
撤像易木主嘉靖二十八年知縣徐霓隆慶三年知
縣盧守萬歷四十五年知縣田京源先後修葺

國朝順治八年知縣遲焞訓導朱頒祿重修康熙二十
五年知縣趙楫乾隆二十四年知縣宋世恒相繼修

理乾隆五十七年知縣彭良弼重建

啟聖公祠五楹在大成殿後左側明嘉靖二十八年知縣徐寬建順治十六年教諭彭如芝重建乾隆二十四年知縣宋世恒修葺

東廡五楹知縣遲焞修康熙二十七年知縣趙楫重修乾隆五十七年知縣彭良弼重建

西廡五楹知縣遲焞修康熙二十八年署知縣曹文蔚重修乾隆五十七年知縣彭良弼重建

戟門三楹訓導朱頌祿修知縣趙楫重修乾隆五十七年知縣彭良弼重建

泮池舊建木橋廢乾隆五十七年知縣彭良弼重加

修砌改建石橋

橘星門明知縣劉泌建乾隆五十七年知縣彭良弼重修

明倫堂五楹在大成殿後順治十八年知縣劉必壽敎諭彭如芝建

名宦祠在戟門東明知縣徐電建知縣安圻宋世恒先後修葺乾隆五十七年知縣彭良弼重建祀漢劉陶巴肅宋葛書舉張雲卿明計朝聘

國朝佟鳳彩米昌祚李蔭祖羅文現張九徵張潤民鄉賢祠在戟門西建修與名宦祠同祀漢黃憲戴尊戴伯鸞戴良宋李濡明劉裔

文昌閣在儒學東明萬厯二十八年教諭宋久文訓導喬茂魁建天啟年間訓導劉嘉績重建

奎星樓在儒學東南適楚門東土城之巔明萬厯二十九年知縣李懋孝建順治年間訓導朱頌祿修乾隆五十八年知縣彭良弼重建視昔規制有增

正陽書院在學宮西側乾隆五十七年知縣彭良弼建

學田一頃四十九畝六分

書院地四頃歲納稞錢二十八緡乾隆五十一年知

縣彭良弼詳准加稞錢十二緡除納丁賦外餘充膏火

龍興寺地二頃 白土店地二頃

置

公署

縣治在接潁門內順治六年知縣遲焞移建乾隆二十四年知縣宋世恒重修四十二年知縣劉鰲重建大堂曰忠愛堂堂東爲恒足庫前爲月臺兩廊爲書吏房又前爲儀門又前爲大門月臺東爲蕭曹祠又東爲馬王祠爲文書房爲馬房儀門外東西爲快皂房又東爲土地祠爲捕快房忠愛堂後爲宅門爲內堂又後爲知縣住宅又後爲內宅內堂東爲廳事又東爲書房爲廚房西爲僉判房計爲堂爲庫爲祠爲廳爲宅爲房爲門其九十有四楹周繚以垣

典史宅

國初僦居民房在迎賓街北閱歲既久官歷數十任修葺添建已成公署何年何任價售入官莫可稽考

監獄舊在典史宅西後移建大門內西偏外繚土垣
乾隆五十一年知縣彭良弼改建磚牆

兵防

正陽縣設經制把總一員駐縣城隸汝寧營

馬兵二名

步兵十八名

民壯五十名裁留二十二名隨營操演

教場在縣西關外

常平倉

舊倉在縣治西北康熙三十三年知縣安圻奉檄建
舊止十六間歲久積貯日增歷任添造其四十九間
官廳三楹

新倉在縣治東北乾隆三十三年知縣劉應侯建倉
二十間官廳三楹

漕穀義社穀均附貯常平倉

郵政

驛馬四匹裁留二匹

驛馬夫二名裁留一名

探馬夫一名

馬牌一名

走遞夫一名

舖司兵三十名

在城隍舖 東關舖 南街舖 西街舖

北關舖 油房店舖 山頭舖 哈店舖

黃山舖 銅鐘店舖 漫塘舖 八角廟

舖 李通店舖 藍青店舖 黃魯店舖

恤政

養濟院城西北隅房屋四間收養孤貧四名口歲需

口糧棉衣支銷正項

普濟堂城西北隅房屋三十間大門一間收養貧民

四十五名口歲需口糧棉衣棺木支銷息銀地租

育嬰堂交普濟堂貧婦收育另無房屋歲需養費支

銷地租

交上舖銀四百兩歲納息銀九十大兩遇閏納息銀

一百四兩

普濟堂地八頃八十三畝七分三釐

育嬰堂地四十畝

歲其納租銀一百一十一兩二錢八分除納丁賦外

餘充養費及堂房歲修

閭河店地一項二十畝 承興店地六十七畝六分

銅坡塘地六十二畝四釐 王牌寺地二頃二十三

畝七分 宋家店地二十六畝 白土店地二頃

八里橋地六十二畝八釐 八里橋地四十畝

揚旗屯地三十三畝六分 汪湖店地九十三畝七

分一釐

田賦

原額人丁一萬六千二百八十六丁

內除

逃亡人丁四千三百一十二丁

乾隆三十六年奉

文編審

盛世滋生戶口人丁二千三百三十二丁永不加賦

見在徵賦人丁九千六百四十二丁歷來丁不派銀

止照地畝一例派徵並無另徵丁銀

原額田地五千四百一十三頃四十四畝一分三釐

五毫九絲五忽

外有更名地四十三頃二畝零不徵額料等銀賦役全書

分款開造亦遵照另列

原額銀一萬二千八百二十四兩三分七釐又每畝
加增九釐派銀四千八百七十二兩九分七
釐

二項共原額銀一萬七千六百九十六兩一錢三分
四釐每畝照依賦役則例派銀三分二釐六
毫八絲九忽二微八纖九沙八塵五埃二渺
四灰

遇閏加額銀三百七十四兩三錢九分一釐每畝派
銀六毫九絲一忽五微五纖四沙四塵五埃
內

順治三年巡撫寧 具題奉

旨免荒

除無主荒地六十三頃八十一畝六釐八毫三絲

除荒銀二百八兩五錢九分三釐

實在原額地五千三百四十九頃六十三畝六釐七

毫六絲五忽

實在原額銀一萬七千四百八十七兩五錢四分一

釐四分

現種行糧成熟地一千五百八十五頃一十五畝二

分三毫每畝照依賦役則例派銀三分二釐

六毫八絲九忽二微八纖九沙八塵五埃二

渺四灰遇閏每畝加派銀六毫九絲一忽五

工陽果元卷二
微五織四沙四塵五埃

應徵銀五千一百八十一兩七錢四分三釐

遇閏應徵銀五千二百九十一兩三錢七分二釐

又補徵顏料等項每畝派銀八毫二絲八忽九微二

織七沙八塵二埃五渺三漠應派銀一百三

十一兩三錢九分八釐

二項共應徵銀五千三百一十三兩一錢四分一釐

遇閏應徵銀五千四百二十二兩七錢七分

康熙九年起至六十年止勸墾自首並五十五年及

雍正十三等年胡簡吉等首報其額徵解其

地三千七百六十四頃四十七畝八分六釐

四毫六絲五忽每畝照依賦役則例派銀三
分二釐六毫八絲九忽二微八纖九沙八塵
五埃二渺四灰遇閏每畝加派銀六毫九絲
一忽五微五纖四沙四塵五埃

應徵銀一萬二千三百五兩七錢九分八釐

遇閏應徵銀一萬二千五百六十六兩一錢四分七

釐

又補徵額料等項每畝派銀八毫二絲八忽九微二
纖七沙八塵二埃五渺三漠應派銀三百一
十二兩四分八釐

二項共應徵銀一萬二千六百一十七兩八錢四分

六釐

遇閏應徵銀一萬三千八百七十八兩一錢九分五

釐

更名地四十三頃二畝四分四釐四毫一絲五忽每

畝派銀三分二釐六毫八絲九忽二微八纖

九沙八塵五埃二渺四灰遇閏每畝加派銀

六毫九絲一忽五微五纖四沙四塵五埃

應徵銀一百四十兩六錢四分四釐

遇閏應徵銀一百四十三兩六錢一分九釐

民更等地共五千三百九十二頃六十五畝五分一

釐一毫八絲

實徵丁地等項其銀一萬八千七十一兩六錢三分

一釐

遇閏加額應徵銀一萬八千四百四十四兩五錢八

分四釐

戶口

舊管民戶一萬九千八百六十六戶共一十萬五千

九百八十八名口

新收民戶一百一十二戶

新收丁口一千九百八十八名口

開除民戶四十三戶

開除丁口一千五百四十三名口

實在民戶一萬九千九百三十五戶共一十萬六千

四百三十三名口

倉貯

常平倉原額穀二萬四千石

現貯穀二萬八千二百六石八斗五升六合六勺

漕倉原額穀五千石

現貯穀五千六百三十六石五斗

義社倉額貯穀三十一石四斗

勸捐社倉原額穀一千一百七十一石六斗九升一

合一勺

現貯穀三千三百六十三石三斗四升六合二勺

雜稅

牙帖五百四十五張歲納稅銀六百二十七兩七錢
八分八釐

活稅歲納銀三十三兩

房地契尾稅銀儘收儘解

典鋪稅每所歲納銀五兩

鹽引

縣境行銷淮北綱鹽每年額銷鹽三千三百引



